

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06 i 51/09), člana 25. i člana 130. Statuta Grada Tuzla („Službeni glasnik Grada Tuzla“, broj 6/21), Gradsko vijeće Tuzla, na sjednici održanoj dana 4. septembra 2024. godine, donosi

DEKLARACIJU **o najoštrijem protivljenju otvaranja rudnika litijuma na Majevisci**

I

Mi, gradski vijećnici zabrinuti zbog planova otvaranja rudnika litijuma na području Majevisce donosimo ovu Deklaraciju kao izraz našeg protivljenja i odlučnosti da zaštitimo zdravlje stanovništva i životnu sredinu.

Gradsko vijeće Grada Tuzla se najoštrije protivi otvaranju rudnika litijuma na Majevisci. Činjenica da rudnici litijuma iza sebe kao posljedicu ostavljaju pustoš, zagađenje zemlje i vode, Tuzlanke i Tuzlake dovodi u položaj nesigurnosti, jer je isti planiran na manje od 15 kilometara od centra Tuzle i svega par stotina metara od područja Mjesne zajednice Gornja Tuzla, a na samoj granici najvećeg kantona i regije u državi. Također, budući rudnik litijuma, ukoliko ne bude spriječen, će se nalaziti u neposrednoj blizini Rudnika soli na Tetimi, te će posljedice na rudarenje rude po kojoj je Tuzla dobila ime biti ogromne.


Smatramo da država Bosna i Hercegovina, odnosno niti jedan njen dio, ne smije biti upitan po pitanju osnovnih ljudskih prava zagarantovanih Evropskom konvencijom o ljudskim pravima i ljudskim slobodama. Pravo na život je temeljno pravo koje će biti ugroženo građanima grada Tuzle, jer iskopavanje litijuma empirijski dokazano zagađuje vodu koja ne poznaje entitetske, kantonalne i gradske granice.

Grad Tuzla će uzeti u razmatranje sve pravne aspekte i norme kojima se može koristiti radi zabrane iskopa rude jadarita na Majevisci, te će se obratiti svim relevantnim domaćim ali i međunarodnim faktorima kako bi zaustavio iskope na samoj granici našeg grada. Razmotrit ćemo sve pravne mogućnosti kako se građani Tuzle ne bi morali brinuti o posljedicama rudnika litijuma u Loparama na kvalitet života u Tuzli.

II

Deklaracija će se objaviti u „Službenom glasniku Grada Tuzla“.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Gradsko vijeće
Broj: 01-04-A-13929 -2024
Tuzla, 4. septembra 2024. godine



PREDSJEDAVAJUĆA

Nataša Perić
Nataša Perić, prof.